

榆次縣志卷之十一

宦蹟

春秋知徐吾知 盆之孫魏獻子爲晉國之政以徐
吾爲涂水大夫大謂徐吾餘子之不失職能守業
者也

晉荀浪咸寧中爲榆次令以德教爲政民咸懷之
咸寧六年鳳集其境時以爲政化所感武帝下
詔褒美之其辭云就之如日月敬之如神明愛
之如父母樂之如時雨今縣南有荀政鄉蓋浪
榆次縣志 卷十一 宦蹟 一
去而民思之故以名焉

舊志引事文類聚云荀藐或云浪疑藐字有
誤類聚一書作於唐太宗時去晉未遠必有
所據或云者傳疑之辭正未決其名浪也舊
志直作荀浪恐當從藐爲是

唐孫湛貞觀中令榆次引洞澗水西流溉田民利
之政以嚴稱吏帖帖不敢肆

北漢盧守忠劉氏據太原時爲榆次丞時北漢地
蹙國貧屢被攻討力不能支北漢主旻聞榆次

有富家數姓貲各鉅萬潛命守忠籍取之以爲軍資守忠力言不可旻怒將召而殺焉守忠曰非爲富人乃爲國耳今籍取無罪人心爭離敵兵且至必爲倒戈之舉矣旻乃止人賴以全後宋太宗平劉氏頗聞其事命予守忠官卒以病辭守忠丞相多遜之叔也

按守忠事見宋蘇禹珪別記史既失載舊志亦無今補

宋文彥博天聖中以殿中丞署縣事作思鳳亭賦
榆次縣志 卷十 宦蹟 二
詩以記其事至今傳焉初公第進士知翼城縣通判潞州遷殿中侍御史其署榆次當在通判潞州時也公之後有吳天常者來爲令亦有聲歐陽脩仁宗慶曆中以知諫院奉使河東薦州縣材幹可用者九人天常在其中

按潞公署縣事無可見之跡然以勛德若此是其爲政可知也榆次有令得公爲重太原府志載名宦宋世凡二十一人而公不在焉則載筆之六也

梁安世紹聖中知縣事課農桑教民務本引澗河
水曲折數十里以溉民田惠利久而不竭後唐
恪於元符中來爲令亦以政治稱

盛子思崇寧中知縣事持身廉慎文行政事皆可
師法秩滿去榆次之人常思之

李諒宣和初知榆次兼管兵馬司公事性平恕政
尚寬簡以良吏稱諒作思政堂自爲之記今不
傳

舊志李諒下有黃友然友特以引兵至榆次

榆次縣志

卷十一

宦蹟

三

未嘗官於是也於法不得載宦蹟中且友與
种師中同爲死事獨取友而捨師中何耶府
志載師中而不及友要之皆不當筆削之旨
今改列事考中

金場伯元大定二年進士自鄆城主簿遷榆次令
有惠政

李好復明昌初進士爲榆次令時金方多故河北
山西兵饑相洊好復到官安集流逋翦撲盜賊
民恃以安

元張儉延祐中自秀容主簿擢尹榆次爲政能以善導人旁邑訟有不直者皆來質成邑中刻石以紀遺愛禮部尚書潘昂霄爲撰辭焉

侯洪舉進士爲離石判官泰定時尹榆次廉直無私遇事立決雖簿書纖悉不遺及去榆人刻石頌之元統中大名齊思恭自國子助教來爲尹蒞政嚴明豪猾斂跡與洪治狀相亞矣

程克明至元二年爲榆尹下車首詢民瘼脩舉惠政歲饑發邑中大姓所積粟民藉以活者凡數千人今尚有元時克明去思碑立縣中已漫滅唯數十字存

劉鏞至正甲申自秘書監出尹榆次以儒術飾吏事剖決如流時巨寇劉入忽等自陝至潛出邑境鏞覺其有異收之果伏人以爲神

明姚翥直隸永平人洪武三十年知榆次縣事公廉勤恪蒞政有爲民戀戀不忍其去至永樂初而有劉俊焉俊淮安人政理詳明治榆未期年而頌聲作

震洛陽人景泰七年任榆次撫人以恩慎於刑獄豪強警服盜賊感化皆爲良民

宋信直隸趙州人成化五年以舉人知邑事有清操不事鞭撲弛張中理境內大治

梁琮蠡縣人成化二十二年以舉人知榆次縣貌古樸言訥訥不出口彊毅有爲縣政畢舉考蹟爲諸邑最

張鐸陝西人弘治六年以舉人任榆次持身清介視事畢閉門謝客竿牘者不得入政平訟簡吏

榆次縣志

卷十一

宦蹟

五

民皆懷尋改嵐縣遮道攀留涕泣者數千人繼鐸任者爲張鑑政亦與民宜鑑河間舉人也弘治中知縣事者又有蠡縣舉人崔岑剽煩治劇敏於幹濟人稱其能

蘇民陝西人登進士以正德元年知榆次爲政務大體不事苛察民有犯者先以理論之不從始繩以法公暇輒召諸生親爲講論由是士皆奮起優於文行者多矣

鄭德崇山東汶上人登進士正德六年任榆次縣

知縣性簡重不以刑威督責而吏民服其清整
張穆完縣人舉於鄉來知榆次達政理峻丰裁抑
侵漁剔浮蠹民以蘇息士有貧不能婚者出俸
以資之後覲京師卒於道士民皆望哭以祭焉
陳惻陝西人亦以舉人任杜餉遺秋毫無所取人
不敢干以私抑豪強屏貪蠹理冤枉秉節耿介
所持執莫能撓奪久之吏皆勤廉而民識禮讓
治行之善如古循吏云

尹倫河南汝州進士嘉靖元年來知邑事主誠御

榆次縣志

卷十一

宦蹟

六

物人不忍欺縣大水倫請蠲賦以惠民設堤以
禦漲至今守其法後有山東舉人辛樂治尚

清嚴陝西進士俞鸞寬猛得宜邑中廢墜多所
脩舉

舊志尹倫附記職官下然倫自應列宦蹟今
補入

王宮用北直成安人登進士嘉靖中知榆次縣前
令榆次者或尚操切吏民不便也宮用至獨馭
以寬和而事皆就理邑無逋賦訟者稱平先是

邑有木棉稅稅千金令多私有之官用盡以歸
公家其清白如此嘉靖四十年邑大旱民饑盜
賊並起知縣黃緯嚴治之而請於太守於惟一
停徵賦加賑廩遺愛至數十年不忘

蕭大亨山東泰安人進士嘉靖四十一年選知榆
次榆次歲屢荒民多轉死大亨至首請上官發
倉以賑之撫卹其存者榜招流亡使還復業時
不雨且五月大亨潔齋出禱旣而大雨一縣皆
稔榆俗悍而喜訟大亨多方勸導之其不悛者

榆次縣志

卷十一

宦蹟

七

治以法無少貸由是鬪訐之風漸息邑中徭役
不均富人巧規避而貧者多苦累大亨知其弊
因編審盡革正之頌聲流聞上官以爲能檄令
編鄰封數縣大亨一如編榆者編之父老皆撫
手曰吾儕且老死幸得見賦役清平初大亨以
榆次南關城土築而糜一旦倉卒不足捍寇盜
方議高其甍甃而遷官以去去二十年大亨以
大司馬出鎮宣府大同仍移檄榆次令卒築以
磚使高與邑城等榆次人尤德焉家繪其像而

立祠以祀之

蕭大亨治榆若招流亡賑饑人平徭賦議城
築皆爲政之實卓然可書者舊志但云博人
詳明凡所舉措不求聲譽而民藉其利省府
二志並同此則虛辭飾美無以表其嘉蹟也
故特採桑維高張國儒史記事所作碑次爲
傳以存實錄

姚德重山東濰縣人李光祖陝西保安人徐守謙
河南洛陽人萬歷中皆以進士先後爲榆次知

榆次縣志

卷十一

宦蹟

八

縣舊志稱德重自奉儉事上恭寬以待民而嚴
於馭吏光祖性慈祥濟以嚴毅萬曆十四年
大祲光祖止徵役減獄訟發倉爲粥以食餓者
全活不可勝計守謙果斷明肅剖決如流屢舉
卓異邑人並立碑記焉

張鶴騰潁川人萬歷中進士知榆次七年事無大
小必周慎以處之歲荒鶴騰徧歷鄉落躬親區
畫多方賑卹之邑人安焉明年春復借以牛種
使得耕作人以其救荒比宋富弼上官舉其治

行爲三晉第一鶴騰在榆榆之收豎媪老皆德之以憂去行李蕭然如始至唯圖書數卷而已鶴騰編審均徭凡輕重陞擦無一不當富者莫能規避貧者咸被實惠焉先是戶口黃冊十年一造舊令多聽之里胥徃徃指一科十大爲民累鶴騰計其所需之費歲派三十金貯以待用至十年合三百金用足而事給而民勿擾焉爲縣人省緝錢數無算既去五年民猶思而立祀邑人張國儒爲碑其稱鶴騰者曰清則無求而有餘則羣然祀之於既去之後豈偶然也哉識者以國儒爲知言

民有餘蓄清則無擾而民有餘時清則無苛而民有餘力夫民所患者不足也而公賜之以三有餘則羣然祀之於既去之後豈偶然也哉識者以國儒爲知言
史記事陝西渭南人初以進士知介休著聲蹟萬歷三十一年補任榆次記事爲令精明果斷而心專爲民其於利病之興除雖勞怨不顧方下車銳然更始凡猾胥姦駟梗政理者悉取屏斥之未二年榆遂大治初縣中有渠二十五以溉

民田當需水時強者或多兼併弱者至不沾勺水之利恒爭訟無已記事爲立法於晉諸藩地定一十八日使水畢餘則酌畝之多少勢之遠近而均派焉令強者不得獨擅人帖然服守之爲程又新開數渠灌田甚廣其不能渠灌者令民鑿井田間給穀以資其工共成井八百七十有六以時灌汲而邑無旱灾榆東北地瘠而賦與平壤等遇歲荒民卽流徙記事布令招徠每一家給穀五石驢二頭使其墾地一百七十餘

榆次縣志

卷十一

宦蹟

十

頃皆爲良田又作勸農書教民以耕牧之法復設鄉約二百十所擇民有齒德者朔望導諭鄉人使知孝悌立社倉二百處歲發穀四石仍從民便輸穀貯其中若大祲則聽民計口稱貸而貧者免償榆次故不產金時稅使方恣以威劫縣令歲徵金四十兩記事堅拒以無有稅使竟不能奪也旣而陞兵部主事奉詔行取雲南道監察御史去之日士民遮道攀轅留之不得絡繹奔送至數百里外仍建祠以報其功德記事

後由光祿卿於萬歷末號稱名臣

王應楫山東安邑人萬歷三十三年以進士自徐溝調知榆次承張鶴騰史記事爲治之後能守其法撫以慈和萬歷己酉大饑應楫設廠數十所爲粥賑哺傾俸錢市粟以給勸富者共輸至明年夏始罷全活不下萬人其後許宗禮天啟時胡權並有治聲宗禮奏最第一榆始無志也初自邑祭酒閣樸尚書褚鈇行人張國儒繼之及張鶴騰爲令加裁訂焉至史記事續脩未畢

榆次縣志

卷十一

宦蹟

十一

而遷官記事之後應楫與權並有功於榆志者劉似鰲直隸高陽人萬歷癸丑進士初任平陽府聞喜縣有惠政調繁榆次益清節自勵爲邑人立小學數區延諸生爲師教其子弟開東陽鎮水渠溉田數十頃至今利之崇禎中江南興化人韓如愈以進士來知榆次善發奸摘伏其潔白與似鰲類云

舊志及省志榆次宦蹟皆有毛文炳稱文炳自知縣歷陞太原府冀寧道崇禎十七年李

自成攻太原城陷死節祠名宦然考太原府志賊破城官吏殉難者蔡懋德畢拱辰應時盛張弘業而無毛文炳又云文炳與糧道蔣剛中守北門賊登城文炳易衣雜入王中書宅三日夜袖一貂爲賊所覺拉殺之於晉府前則與死節不同府志續於順治初兕聞當得其實

溫敬縣主簿也河南武安人由監生以弘治五年任端潔不私爲士論所服而嘉靖中縣丞蕭環

榆次縣志

卷十一

宦蹟

十三

以明敏稱萬歷中丞張國俊以清操著李茂以明慎爲百姓所感皆榆吏之良也環監生涿州人國俊亦監生山東博興縣人茂陝西興平縣人由選貢任

溫敬榆次主簿舊志甚明今名宦祠以敬爲知縣誤且誣矣

宇文鍾陝西乾州人弘治九年以舉人署榆次教諭始至諸生以其少年咸心易之質以疑義隨問而決以文就正者因其高下爲加潤飾頃刻

數十篇無有滯思諸生乃大服先鍾爲是官者
永樂時有歸德范宣言動可則景泰順間有晉州
舉人王恭富平舉人黨忠武功監生李得春恭
教諭忘倦忠以造就人材爲已任得春嚴於自
治諸生敬憚之又有新泰舉人成憲博覽羣書
尤深於易後嘉中餘姚舉人徐元孝亦以能教
士爲人所稱至天啟末而得何騰蛟焉騰蛟貴
州籍實浙江山陰人論者以謂榆廣文之有騰
蛟猶榆令之有文潞公云

榆次縣志

卷十一

宦蹟

十三

太原府志載榆次名宦僅宇文鍾蘇民張穆
陳惴王宮用蕭大亨徐守謙張鶴騰史記事
九人縣舊志則自姚翥至史記事二十有六
人省志則自姚翥至毛文炳共二十有九人
省志蓋闔縣舊志續志盡登之而未嘗加別
擇也然舊志劉震宇文鍾王恭張鐸張鑑成
憲陳惴下並云入名宦及觀學宮名宦祠所
列則無此七人志與祠不相符比畫一有如
此者

楊三知直隸良鄉人明末舉進士順治三年知榆次三知爲人負才畧尚節義是時大同總兵姜瓖反遣兵攻太原府遂至榆次三知率士民登陴固守宿城上者六月賊不能勝始引去城賴以完未幾陞神木兵備僉事瓖降而復叛以兵犯神木三知死之贈光祿卿

王奕宣關東人隸正紅旗康熙三十七年蒞官方下車卽延見父老問邑中利害與民所疾苦初縣有鳴謙驛通京師秦蜀往來旗兵駐防西邊

榆次縣志

卷十一

宦蹟

十四

歲更番過驛縣當給車牛供費不支則盡括民家視有車驢牛馬可任載負者籍記之俟其番代取以供送迎鄉民輟業遠來時日羈留多不勝困累而旗兵猶從民索錢卽不與往往肆笞暴民或至棄其車牛而遁吏見如此復因緣爲奸計其鄉之大小車牛之多寡而陰責其賂賂入則爲庇免而盡役其無賂請者縣編戶七十餘里舊設總里十人凡縣官公私所需及無名之歛皆以命總里總里科於民十倍其數百姓

重困非一日矣。奕宣知其然，呼吏出車牛簿焚之於衢而除去。所爲總里者以絕其根株，徧曉縣人使共諭一切役與費，皆官自辦之，無復更苦民。民慶更甦，於是取無賴少年尤黠桀者治其罪，而縣中赫博羣鬪之風息。居歲餘，獄犴幾空，奕宣之始至也，年僅二十餘人，吏以其未習爲政，不足憚。旣而見所設施，莫不畏服。里民張正奇等因備刻奕宣禁令於石，使永示縣中，昭其德焉。

石鑑直隸衡水人，以舉人任鑑，爲人樸厚，居官不事聲譽，而專於爲民事，或不便百姓者，數力爭。上官前必得請，乃已。故榆次人謂鑑寬而能毅，真父母我也。雍正中，方征準噶爾，山西諸縣當買羸畜，糴越粟豆之屬，送歸化城。若河隴之外，以供軍需，他辦者率爲民累。鑑任其事，先後十有七，而榆次人不知擾也。鑑以強直愛民，與上官左顧，未有以去。鑑會鑑公事出獄，囚醉毆相殺，因以爲鑑罪，鑑之去也。榆人祖者，傾城郭自

縣北門至什貼五十里皆滿或遠隨之及壽陽太安驛而後返者初鑑罷官有老父負二瓜求見鑑曰小人年七十餘矣未嘗至城市公真好官今且去恐終不得見故奔走來此時以若耶老人送劉寵者比之鑑去後復有誣以在縣時侵稅錢者責令追償欲以困鑑鑑產遂破榆次人聞之爭贖金千六百爲鑑贖自百年以來其令榆得民惠愛不忘未有如鑑者

錢標江南武進人先以拔貢宰太原有聲遂調榆

榆次縣志

卷十一

宦蹟

六

次榆次雄劇邑當事以非素循良優吏材者莫可任故特使標標之爲治酌寬猛而兼用之常欲使縣人無事曰庶幾令民得休息也始至承歲荒當賑標盡心爲之人多全活旣而脩學宮植士類諸生貧苦者每周給之有孀婦王氏趙氏皆癯獨無倚告於標求托食養濟院標問知爲良家也心憫焉資之金使紡績自供常有官銀百金當納於郡使隸齋往失於塗標驗其實卽代償勿責也標治榆三年於河渠利民者尤

拳拳盡心以事其親州會病卒囊空無以葬
榆人爲設位弔祭輸千金助喪歸江南